

**PARLIMEN MALAYSIA**  
**PEMBERITAHU PERTANYAAN DEWAN RAKYAT**

- PERTANYAAN** : **BERTULIS**
- DARIPADA** : **TUAN SHAMSUL ISKANDAR BIN MOHD AKIN [ Bukit Katil ]**
- SOALAN** : **Tuan Shamsul Iskandar bin Mohd Akin** minta **MENTERI PERTANIAN DAN INDUSTRI ASAS TANI** menyatakan :-
- a) usaha Kementerian untuk mempromosikan teknik dan teknologi maju agar diguna pakai secara umum oleh para petani bagi merencanakan pembangunan pertanian dalam negara ini;
  - b) usaha yang diambil bagi meningkatkan penglibatan golongan belia di dalam sektor pertanian agar sektor pertanian dalam negara ini dapat terus berkembang maju.

**JAWAPAN**

**Tuan Yang Dipertua,**

- a) Kementerian Pertanian dan Industri Asas Tani (MOA) sentiasa mengadakan lawatan, penyelidikan dan kerjasama dengan negara-negara lain terutamanya melalui Institut Penyelidikan dan Kemajuan Pertanian Malaysia (MARDI) dan Lembaga

Pertubuhan Peladang (LPP) bagi mengenal pasti teknik dan teknologi maju yang diguna pakai dalam pertanian.

Sebahagian teknik dan teknologi maju ini dilaporkan dalam jurnal-jurnal terbitan Jabatan/ Agensi di bawah MOA, media cetak dan media massa sebagai makluman kepada para petani dan pengusaha mengenai teknik dan teknologi yang boleh diaplikasikan dalam pengeluaran pertanian.

Selain itu, teknik dan teknologi maju ini dipromosikan semasa seminar/ persidangan bagi program-program utama Kementerian, Hari Bertemu Pelanggan dan melalui aktiviti pengembangan yang dijalankan oleh Jabatan/ Agensi di bawah MOA. Penggunaan teknik dan teknologi moden ini juga diterapkan dalam program-program pertanian yang dijalankan oleh Kementerian ini melalui MARDI dan Jabatan Pertanian di peringkat negeri dan daerah supaya ia dapat diguna pakai serta membantu petani dalam meningkatkan hasil pengeluaran pertanian di peringkat kebangsaan.

Disamping itu melalui kerjasama dengan di antara MARDI LPP, para peladang juga telah diperkenalkan dengan teknologi maju tersebut melalui pelaksanaan projek-projek seperti berikut:

- (i) Chip Pertubuhan Peladang Kawasan (PPK) Paya Perlis;
- (ii) Just Buah-buahan Pertubuhan Peladang Negeri Johor;
- (iii) Makanan Ternakan NAFAS MAEPS Serdang;
- (iv) Silaj Makanan Ternakan Pertubuhan Peladang Negeri (PPN) Perak, PPK Melaka Tengah, PPK Rembau dan PPK Titi Tinggi;

- (v) Sayuran Fertigasi PPK Grik;
  - (vi) Kilang Sabut PPK Tumpat;
  - (vii) Teknologi Padi Aerob;
  - (viii) Teknologi Tanaman Cili Puri PPK Bukit Awang; dan
  - (ix) Kilang Vitato Terengganu.
- b) Kementerian amat serius dalam mengubah persepsi negatif golongan muda terhadap sektor pertanian yang masih dianggap tidak mampu berkembang, mengamalkan cara lama dan perlu bekerja dalam persekitaran kotor. Sehubungan itu, Kementerian melalui Jabatan dan Agensi telah mengambil pelbagai langkah bagi mendekatkan dan meningkatkan penglibatan golongan muda dalam sektor pertanian yang merupakan penyumbang ketiga terbesar ekonomi negara.

Bagi menyelaraskan program pembangunan Usahawan Muda, Kementerian telah menubuhkan Unit Agropreneur Muda (UAM) pada bulan September 2013 yang berperanan untuk menarik lebih ramai penyertaan generasi belia yang berumur di bawah umur 40 tahun di dalam sektor pertanian menerusi pakej projek pertanian dan industri asas tani yang mampu menjana pendapatan lebih RM5,000 sebulan.